

Causa pensiun digl titular actual tschertga igl cumegn da Surses per igl 1. d'avregl 2022 u tenor convignientscha en

manader per igls sarvetschs d'abitants 80 - 100 % (m/f)

Igl post digls sarvetschs d'abitants è igl post da consultaziun central per la nossa clientella. Premissas necessarias per surpiglier chel post pretensius èn la prontadad da porscher sarvetschs orientos alla clientella, flexibilitad ed igl plascheir da contact cun gliout. Vous ischas responsabel da garanteir tg'igls sarvetschs d'abitants funcziuneschan da moda effizacia e sainza incaps. Tar la lavour niz Vous sustignia d'ena referendaria/d'en referendari (chella plazza è per igl mument mademaintg vacanta).

Pensums principals

- Direcziun e responsabladad per igls sarvetschs d'abitants
- Coordinaziun e sustign tar la liquidaziun da tot las lavours digls sarvetschs d'abitants (sarvetsch agl spurtegl e telefon, antrada e sorteida dalla posta, controlla d'abitants, filiala AVS, taglias da tgangs, fatgs da pumpiers, facturaziun chints da canzleia, etc.)
- Preparaziun da votaziuns ed elecziuns, direcziun e coordinaziun digl biro electoral
- Far part alla cumischung sociala incl. actuariat e secretariat
- Emissiun da lubientschas d'ustareia e lubientschas d'ustareia occasiunalas
- Scolaziun dallas persungas aint igl amprendissadi
- Tar qualificaziun ed interess ègl pussebel da surpiglier ulteriours pensums

Pretensiuns

- Amprendissadi mercantil termino, d'avantatg ainten la branscha dall'administraziun publica e ples onns d'experientscha professiunala e da manar
- Maniera da luvrar da moda exacta ed independenta, bungas manieras, discreziun
- Plascheir agl contact cun gliout ed ager oriento alla prestaziun da sarvetschs ed agl team
- Bungas cunaschientschas digl rumantsch e tudestg a bucca ed an scretg. Cunaschientschas digl taliang èn d'avantatg
- Stil da screiver e da s'exprimer verso
- Abilitad da communitgier
- Prontadad da sa perfecziunar professiunalmaintg
- Talent d'organisar ed abilitad da supportar squitsch
- Bungas cunaschientschas d'utilisaziun da MS-Office ed utilisaziun versada cun software d'applicaziun

Nous purschagn

- Ena lavour varionta ed interessanta
- Plaz da lavour modern
- Salari conform agl taimp e cundiziuns da pladimaint attractivas

Veiz interess? Allora ans legragn nous dalla Voss'annunztga cumpletta cun biografia, fotografia, cupeias d'attestats etc. **anfignen igl pi tard igls 17 da december 2021** per e-mail a beat.jenal@surses.ch u per posta a: Suprastanza communal Surses, fatgs da personal, canzlist, Veia Cantunala 57, 7453 Tinizong.

Sclarimaints dattan igl canzlist Beat Jenal (telefon biro: 081 659 11 65 u telefonign: 078 810 13 68).